



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

20 Aprilis. 12 Kal. Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

372 ANNI CÆLESTIS
tulere. Doce cor, oculos, manus meas
ad prælium: da mihi virtutem contra
hostes tuos!

20 Aprilis. 12 Kal. Maji.

BEATA Agnes Politiana Virgo,
cui nascenti luce plurimâ afful-
sit cælum; quam dæmones, sub cor-
porum specie, rostris, & unguibus
lacerare contendebant; cui oranti,
& quindecim annis, in pane & a-
quâ, jejunanti, Beatissima Virgo
dona cælestia, JESUS parvulus
Crucem, Angelus Eucharistiam de-
dit: cui morienti Angeli comites
adfuere: quam mortuam infans
è cunis sermone, & cantu lauda-
vere. Exere, sancta Virgo, exere
etiam in me calidissimarum tuarum
precum vim; & impetra mihi à
MARIA hîc semper amicum JESU
in cor! ut sim JESU totus, MARIA
totus, in tempore, & in æternitate.
Amen.

Sancti Sulpici, & Serviliane,
sponsi, decollati Martyres.

Sancti Victor, Zotice, Zeno, A-
cyndine, Cæsari, Severiane, Chry-
sophore, Theona, & Antonino
Martyres.

S. Theotime Episc.

S. Theo-

S. Theodore miles M. qui admirabilibus tormentis divinitus superstes, visus es veniente de cælo curru igneo liberatus: qui matrem tuam, triennio exulem, ab Angelo ad te adductam, vidisti, & sociis Christianis ostendisti; & tu vitam cruce, mater tua Philippa gladio, socii lanceis, finiisti.

S. Marcelline Episc. qui, Dei monitu, cum sanctis sociis, Vincentio, & Dominino, ex Africâ veniens, plurimos convertisti.

S. Marciane Presb. de cujus manu silvestres etiam aves cibum capiebant familiariter.

S. Theodore Confessor, cilicio semper use, dæmonum potens hostis: è cujus corpore, pro medicinâ ægrorum, unguentum scaturit.

OMNES SANCTI, &c.

pag. 320.

S. MARIA, qua hodierna tua Agneti Politianæ, caelesti luce perfusa, Filium tuum parvulum in sinum dedisti. Doce me Filium tuum, in Eucharistiâ, sic tractare, sic amare; ut illa, & illi, qui te verè amant, qui illum verè adorant!